

City Inspector teniendo control

Dump ilegal haya den Tanki Leendert



ORANJESTAD – Teniendo control rond di Aruba, City Inspector a bin topa cu un dump ilegal den e barío di Tanki Leendert.

City Inspector, Marlon Pietersz ta lamenta cu pesar cu tin un dump publico, sin embargo hendenan sin consenshi

ta dicidi di tira sushi cu por cierto ta data di hopi aña.

Contribucion pa tene Aruba sushi

Pietersz a comenta cu tin un monton di sushi cu tin añan largo caba ta andando. Si mira for di abao bay ariba di e situacion, por a ripara cu e

hendenan aki tin custumber di tira sushi. E ta sigui splica cu e no sa si ta e hendenan cu a bin biba rond den e barío of tin otro hende den vecindario cu a bin tira sushi riba dje y a sigui crece. Mescos cu dump, asina ey tin den e vecindario di Tanki Leendert. Tin hendenan den barío cu ta contribui pa haci nos isla sushi na lugá di contribui pa tene limpi.

Un situacion cu no sa con pa cuminsa

Eynan tin algun auto cu tin varios auto y City Inspector no sa con nan lo bay cuminsa cu e situacion, Pietersz a bisa. Mester wak di ken e tereno ta na prome lugá. Despues cu wak e tereno, tin cu wak di ken e sushinan ta, ken a tira e sushinan y pa despues bay mira con ta bay haci esey limpi. E hecho ta pakico haci



esey, Pietersz a comenta.

Sushi

Por duna e doño di e tereno tempo pa wak pe haci limpi, dependiendo ken a tira sushi. Mester bay wak e ultimo sushinan cu ta mas fresco ken a tira nan y a base di esey ta bay wak kico haci cu e sushi. City Inspector no sa con e ta bay cuminsa cu e persona, el a splica.

Sea mas consciente

City Inspector ta bay papia cu e doño. Ora cu haya, lo muestra e antisocial cu asina ey no por. Pietersz a menciona cu

tin varios situacion asina aki rond di nos isla. City Inspector ta cuestiona: “Kico abo mes kier atrobe di Aruba. E porkeria aki bo kier den bo barío of bo kier mantene limpi. Shonnan por fabor, ban sea mas consciente riba e isla aki, ban mantene Aruba limpi. No ta un trabao di City Inspector of di cualkier otro departamento di limpieza. Ta di abo tambe cu ta biba den barío y bo tin cu percura pa bo vecindario of papia cu otro y haci y tene bo barío limpi,” Pietersz a termina. □